

Opuscula

Opuscula

IN NOMINE DOMINI, AMEN.

QUÆSTIO JURIDICA.

De F E R I I S.

Ex c. Omnes dies. e. t. junct. l. Dies Festos. C. e. t.

Pro Loco

In Collegio CC. DD. Jure Consultorum

Studii Generalis Universitatis Cracoviensis

OBTINENDO,

Sub Gratiſa Protectione

CELSISSIMI PRINCIPIS,

ILLUSTRISSIMI EXCELLENTISSIMI

&

REVERENDISSIMI DOMINI,

D. A N D R E Æ

STANISLAI KOSTKA,

COMITIS in ZAŁUSKIE

Z A Ł U S K I,

EPISCOPI Cracoviensis, DUCIS Severiæ

EQUITIS AQUILÆ ALBÆ,

Studii Generalis Universitatis Cracoviensis

FAVENTISSIMI CANCELLARII.

P E R

M. CLEMENTEM STANISLAUM KOSTKA HERKA,

Philosophiæ Doctorem, ejusdem & Linguae Gallicae Ordin: Professore, U. J.

Baccalaureum, Collegam Minorem, Ecclesiarum; Collegiatarū SS. OO. Crac:

CANONICUM, Boboviensis Custodem, Parochialis Droginensis Curatum,

Archipresbyteralis Cracoviensis Sabbat. Concionatorem.

In Lectorio Collegii Juridici Cracoviensis

Publicè ad disputandum

P R O P O S I T A.

Annò Domini 1748. Die Jovis 9. Mensis Maji.

Cracovia: Typis Collegii Majoris Universitatis.

*In GENTILITIUM
CELSISSIMÆ DOMUS ZALUSCIANÆ
INSIGNE.*



AGNE! pedem dum tollis, eas, Tibi murice Vellus,
Si curras, optat tingere Roma suo.
Nempe reor, quòd talis Ei, quæ Sanguine Divum
Tinctaq; quæ Regum, sanguine Lana placet.

CELSISSIMO PRINCIPI,
ILLUSTRISSIMO EXCELLENTISSIMO



REVERENDISSIMO DOMINO,

D. ANDREÆ
STANISLAO KOSTKA,

COMITI in ZALUSKIE

ZALUSKI,
EPISCOPO Cracoviensi, DUCI Severiæ,

EQUITI AQUILÆ ALBÆ,

Studii Generalis Universitatis Cracoviensis

FAVENTISSIMO

CANCELLARIO.

Domino Protectori

Amplissimo.



*Extra questionem sit licet, me jure mul-
tiplici Tuum esse, ne tamen à quopiam,
vel futuris unquam temporibus, voca-
ri in questionem possit, hoc etiam Ju-
ridico Actu, quem Tibi devotissime de-
dico, notum publicè, testatumq; id fa-
cio. PRINCIPVM Celsissime, Anti-
stitum Illustrissime. Non aliud quippe
appeto, quàm Tuus perenniter nuncu-
pari, imò si vel aequalem cum magnis gloriam, vel parem cum
meritissimis ambirem famam, non aliud possem; hoc unicum, quo-*

cunq̃, titulo Tuus dici; fastis & fascibus, ori publico & honoribus, antepone. Scilicet: & ex Sanguinis Tui, qui & Regum venis infunditur, dignitate, & ex eruditionis omnigena, qua huius confessione seculi, & expresso totius literati Orbis consensu, stupenda est in Te, excellentiâ, & ex Episcopalis Auctoritate Iudicii, Dignationis Tuæ Majestas est tanta, ut quemcunq̃, sibi mancipaverit, sola ei ad gloriam, sola ad famam sufficiat immortalē. Profitetur & tota id mecum Universitas, qua ut tantum supremo in Ea Cancellariatus Ejus delato Tibi munere, simulq̃, collatis à Te in Eam, benevolentia, & Favoris Tui gratiosi suffragiis, cepit esse Tua, illico, & fecunditate ingeniorum uberior, & doctrinae soliditate robustior, & laborum assiduitate operosior, & omni nunquam interruptorum, in Ecclesiam & Rempublicam meritorum genere, habetur ubiq̃, celebrior, magisq̃, adeo, dum Tua fuerit, habebitur in dies; ut nemo dubitet, famam Ejus & gloriam, sub Te CANCELLARIO Ejus augendam, usq̃, ad invidiam Gentium, & ad superbiam seculorum. Feriari mihi jucundissime viderer o Princeps! si de Te vel in immensum scriberem; Cum tamen vel in immensum scribens, partem etiam laudis, tam Tuæ, quàm Cellissimæ Domus Tuæ, exigere vix quis possit, ut Exoticus etiam, judiciosissime scripsit Iuris Professor Chladenius:

(a) in Præ- (a) & ex Doctrina Baldi (b) pauca dicere de Principe mone-
 rat. ad O-
 rat. sub tit
 Gentis Za-
 rusciora-
 cula &c.
 (b) in Præ-
 fat. Feud.
 v. nunc
 aliqua.

ar, votis in Te o Princeps facundior omnino quàm verbis, has
 jam tantum ad præsens, laboris mei, in publica Iuris Professio-
 ne primitias, ad sacram Purpuræ Tuæ, una mecum depono
 fimbriam, in perpetuum videlicet, ejus rei testimonium, quod
 maximæ ducam gloriæ, esse in omni actu, semper dici, & ubiq̃
 scribi.

**Celsitudinis Vestræ Illu-
 strissimæ,**

devotissimus Cultor & servus

M. Clemens Stanislaus Kostka
 Herká, U. J. B.

Q U Æ S T I O J V R I D I C A.

U. Feriæ in honorem DEI & Sanctorum, à potestate publica institutæ, in ordinarias & extraordinarias distinctæ, ab omnibus CHRISTI Fidelibus observari, & in illis actus Jurisdictionis contentiosæ, exerceri possint & valeant nec ne?

C O N C L U S I O I.

Feriæ in DEI honorem & Sanctorum, à potestate publica institui debent. (1)

1. Arg: c. Solitæ. de Majorit. & obediën: c. Per Venerabilem, qui filij sint legit. & l. Anullo. C. de Feriis.

C O R O L L A R I A.

I. Feriæ sive secundum alios denotent ignaviam & desidiam, quòd in honorem DEI & Sanctorum Ejus dicatæ, desistere jubeant ab operibus servilibus (2) sive à feriendis & ferendis victimis ac holocaustis, quòd in illis olim Romani, diis suis ferire, & offerre victimas & holocausta consueverant (3) sive à fando, quòd DEVS in creatione mundi, quolibet die fabatur seu loquebatur, dicendo fiat lux, fiat firmamentum &c. (4) sive nefasti dies appellentur, quòd illis non licebat lege agere, & Prætor illa tria verba, *do, dico, addico*, efficaciter effari non poterat, (5) in illis tamen non solum commessationes, ebrietates, & ludi, antea fieri soliti (6) sed etiam strepitus forensis, & actus Jurisdictionis contentiosæ, Iudice pro Tribunali sedente, interdicuntur (7) ac ideo Feriæ, justitium ex eo dicuntur, quòd hoc tempore jus stet, & non progrediatur. (8)

2. Scac. de Iudic. Lib. 2. cap. 5. n. 1. Ambros: Calepin. v. Feriæ Festus Lib. 6. & Fesban. decis. 39. n. 11. de Feriis.

3. *Abb. in c. Fin. de Feriis & Mandos. de Commissar. & Commission: 13. Feriis non obstantib: v. Ferias f. 74.*

4. *gloss. in Clemen. un. v. Feriam. de Reliqu: & venerat: Sanctior: Scac: & Abb. ubi supra, & Vocabular. V. I. v. FERIA.*

5. *Valens. in Paratitl: Decretal: Lib. 2. tit. 9. n. 2. & Varro de Lingu. Latin.*

6. *Can: Commessiones. dist. 44. & Concil: Triden: Sess, 25. de Invocat. Sanct. prope fin.*

7. *c. fin. de Feriis. & l. Divus Trajanus. ff. de Feriis & dilationibus.*

8. *Pichler Lib. 2. Decretal. tit. 9. n. 1. Valens. ubi supra & Vesenbec. in Paratitl: ff. h. t. n. 2.*

II. Per strepitum forensem, diebus feriatis prohibitum, intelligitur hic formatio Processus, cognitio causæ controversæ, & prolatio sententiæ, jam verò per actus Iudiciales, ipsum exercitium Iurisdictionis, quod fieri solet in loco Iudicii à Iudice pro Tribunali sedente, & causas controversas inter Partes litigantes cognoscente. (9)

9. *l. Omnes dies, & l. Dies Festos. C. de Feriis. Pichler ubi supra & DD. in c. 1. de Feriis.*

III. Ferias prædictas in honorem DEI & Sanctorum, quibus strepitus forensis, & contentiosæ jurisdictionis exercitium, plane conquiescere jubetur, non Magistratus aliquis sæcularis (10) sed tantum Ecclesiasticus, nempe Pontifex Romanus pro Universali Ecclesia, cum vel sine assensu Concilii Generalis (11) & Episcopus pro sua Diocesi, similiter cum vel sine assensu Cleri & populi (12) quas sic ab Episcopo constitutas, etiam Regulares exempti, observare tenentur (13) constituere potest.

10. *Idem Pichler in Decretal. Lib. 2. tit. 9. n. 3. Innoc. X. Constit. Cum nuper. Die 6. 8br. 1653. S. Congregat: Episcop. in Umbriaticen: 2. Mart. 1621. ut notat Thom. del Bene. in Addit. ad opus de Immunit: Eccles. v. Dies Festi.*

11. *Can. Pronuntiandum de Consecr. dist. 3. h. t. c. Cum Clerici de Verb. signific. Tambur: Lib. 4. in Decal. Cap. 1. n.*

1. & 3. *Pignatell. Tom. 1. Consult. 7. n. 1 & Constit: Urban: VIII. A. 1642. Idib. Septembr: Universa per Orbem.*

12. d. *can. Pronuntiandum. Felin. in c. 1. n. 18. de Sponsa-
lib. Azor. Instit. moral. p. 2. Lib. 1. Cap. 26. q. 1. & Covarr.
Pract. quest. Lib. 4 Cap. 19. n. 4.*

13. *Concil. Trident. Sess. 25. de Regularib. Cap. 12.*

IV. Quamvis Episcopus pro sua Dioecesi, Ferias ad honorem DEI & Sanctorum Ejus, constituere possit, nihilominus illorum tantum Sanctorum qui Authoritate Romani Pontificis in Catalogum Sanctorum sunt adscripti (14) aut saltem Beati-
ficati (15) quæ Feriæ ad celebrationem Divinorum Officiorum, à Vespera ad Vesperam, jam verò, quò ad vacationem ab operibus servilibus, à media nocte ad alterius noctis medi-
um (16) aut in aliquibus minùs solemnioribus feriis ad meri-
diem (17) observari debent.

14. c. *Audivimus & ibi gloss. fin. de Reliqu. & vener. Sanct.
ac Barbos. n. 1. & 3. Abb. in c. fin. h. t. n. 4. Azor d. Cap. 26.
q. 4 & Sanch. in Præcept. Decal. Lib. 2. Cap. 43. n. 9.*

15. *Barbos. in c. fin. h. t. n. 24. & Sear. Tom. 1. de Relig. lib.
2. de diebus Festis Cap. 11. n. 4. & 5.*

16. *Can. Quod à Patribus dist. 75. c. Omnes. & ibi gloss. v.
Omnes dies. ac Abb. n. 1. de Feriis. Covarr. Pract. quest. Cap.
19. n. 4. Azor. d. Cap. 26. q. 12. & l. More Romano ff. de
Feriis & dilation.*

17. *Abb. in. c. Omnes, & c. Quoniam. h. t. Idem Azor. lc.
q. 8. & Constit. Provind. Lubien. A. 1643. pag. mihi 7. de Festis*

V. Præter summum Pontificem & Episcopum, etiam Princeps
Sæcularis se Superiorem non recognoscens, præcipere potest
subditis suis, ut ferientur, seu vacent ab operibus servilibus,
vel ab Actibus Forensibus, in ordinē ad requiem, vel salutē
corporum, aut ad collectionem fructuum & similia (18.)
non tamen in ordine ad cultum Religiosum DEI & sancto-
rum Ejus (19.)

18. *l. 4 C. h. t.*

19. *l. a nullo C. de Feriis. Pirking. in Decretal. Lib. 2 §. 2.
n. 12. c. 1. & Schmier lib. 2 Tractat. 1. Cap. 5 sect. 2 §. 2 n. 35.*

C O N C L U S I O II.

Feriae in Ordinarias & extraordinarias potissimum distinguuntur. (20.)

20 Schmier. d. Cap. 5. sect. 1. § 2 n. 8 & seqq. Valens. ubi supra n. 4 & seqq. & Pirhing. l. c. § 1 n. 1 & seqq.

C O R O L L A R I A.

I. Ferae Ordinariae seu solemnes illae dicuntur, quae certo temporis spatio recurrunt, & quotannis ordinariè tanquam statæ & definitæ (21) vel generaliter ab universali Ecclesia per totum Christianum Orbem (22) vel particulariter, a singulis Ptovinciis & Civitatibus, in gratiam quorundam sanctorum Tutelarium, de quibus non est universalis Constitutio (23) celebrari solent, ac ideo in generales & particulares subdividuntur. (24.)

21 c. Vn. de Reliqu. & venerat. Sanct. in 6 l. Omnes dies & l. fin. C. de Feriis Valens in Paratitl: Decretal. Lib 2 tit. n. 4. Schmier ubi supra Cap. 5. sect. 1. § 2. n. 8.

22 Can. Pronuntiandum. & seqq. dist. 3. de Consecr. d. l. omnes dies. & Constit: Urbani VIII. ut supra. Universa per Orbem.

23. Iodoc. Damhouder. in Prax. Rer. Civil. Cap. 119. n. 9.

24. Idem Iodoc. Damhouder. lc.

II. Ad Feras solemnes ordinarias, sive generales, sive particulares, referuntur feriae sacrae, quae ad honorem Divini Numinis aut cultum Sanctorum principaliter sunt introductae (25) & profanae seu rusticae, quae ob finem politicum & temporalem alias gratiâ hominum sunt institutae, propter necessitatem utilitatem vel lætitiâ publicam; quales sunt feriae messium, vindemiarum, Nundinarum. seu mercatum, & aliae, ordinariè quotannis recurrentes (26)

25. c. fin. de Feriis. l. Omnes dies. C. e. t. Schmier. & Pirhing ubi supra & Janidtovius Noster in suo Process: pag. m. 17.

26. d. c. fin. de Feriis. l. Omnes dies. C. e. t. l. Ne quis Messium ff. de Feriis & dilation.

III. Extraordinariae seu repentinae feriae nuncupantur illae, quae
nulla

nulla stabili die firmatae sunt, sed pro re nata, extra ordinem, vel ob bonum publicum, vel ob causam aliam repentinam indicuntur (27) ut sunt dies Nativitatis, Creationis, & Coronationis Papae, vel alterius Principis viventis, dies Anniversaria Exequiarum Pontificis immediate defuncti, victoriae ex hoste obtentae, Matrimonii initi, Filii suscepti &c. (28) & tales sunt dies Papae feliciter moderni BENEDICTI XIV. Nativitatis 31. Martii 1675. Creationis 17. Coronationis 21. Aug. 1740. Regis Nostri Serenissimi AVGVSTI III. Nativitatis 17. Octobr: 1696. Electionis in Regem 5. Octobr: 1733. Coronationis 17. Ian. 1734. Consortis Ejus Serenissimae MARIAE IOSEPHAE de Domo Austriaca Nativitatis 8. Decembris 1699 Coronationis in Reginam Poloniae 17. Ian. 1734. (29) Celsissimi Principis nostri ANDREAE STANISLAI KOSTKA ZALVSKI, Episcopi Cracov: Nativitatis 24. Decembr: 1695. Ingressus in Cathedr: Cracov: 7. Maii, 1747. 27. l. Anullo. C. de Feriis. l. sed & si 26. §. si Feria ff. ex quib: caus: major. Valens. & Schmier: ubi supra.

28. gloss. in Clemen: Sape. v. ob necessitates. de Verb. Signific. Abb. in c. fin. n. 8. de Feriis. l. omnes dies. C. e. t. Mandos. Tract. de Commissar: Commiss: 13. feriis non obstantibus. v. Feriarum hodie. fol. 75.

29. Constit: Regni An. 1736. fol. m 81. & seqq: tit Denuntiatio Regis Coronati.

IV. Praeter ferias praedictas, sunt etiam feriae Nuptiarum, quibus à nuptiis, publicè & solemniter celebrandis abstineri debet (30) quales sunt spectato Iure novo, ab Adventu Domini usq; ad diem Epiphaniae, & à feria quarta Cinerum usq; ad octavam Paschatis inclusivè (31)

30. c. Capellanus de Feriis. Barbos. de Offic: & Potest. Episcop: part. 2. alleg. 32. n. 193. & Vivian. in Rational. secun. Lib: Iur. Pontific: pag. mih. 76.

31. Concil. Triden: sess. 24. Cap. 10. de Reform: Azor. Instit. moral. part. 1. Lib: 7. Cap. 32. q. 3. & Sanch: de Matrim. Lib. 7. Disp. 7.

V. Feriarum dies, tam ordinariarum, quam extraordinariarum, ac etiam earum, quas Palatium Apostolicum observat, & ideo Festa Palatii appellantur (32) tunc solum apud nos in foro spirituali, cursum Iudiciorum sistunt, & actus contentiosæ Iurisdictionis impediunt, cum incidunt in dies Iuridicos, nimirum in dies Lunæ, Mercurii, aut Veneris, (33) reliqui verò in Septimana Iuridici non sunt (34) sed in foro sæculari, omnes sunt Iuridici, præter feriatos. (35)

32. *Pets. in suo Process: Iudiciar: tit: 12. n. 78.*

33. *Ianitorvius noster in suo Process: Iudiciar: Cap: 6. ibi ad quod cognoscendum. pag: 17.*

34. *Vestr. in Pract: Lib: 3. Cap: 5. n. 5. & Marches: Tract: de Commissar: parti: 1. Commission: 8. derogation: feriar: Cap: 1.*

35. *Ita Praxis.*

C O N C L U S I O III.

Ferix in honorem DEI & Sanctorum instituta, ab omnibus CHRISTI fidelibus observari debent. (36)

36. *Can. Quod die. dist: 75. can. Odi: 24. q. 1. c. licet: de Feriis. & Tolosan: in Syntagm: jur. Univers: Lib: 2. Cap: 16. n. 16. & seqq.*

C O R O L L A R I A.

- I. Ferix in honorem DEI & venerationem Sanctorum induta cum sint de Iure Divino (37) & quas Parochus singulis diebus Dominicis populo inter Missæ celebrationem indicare debet (38) ita debent ab omnibus Christi fidelibus, cum ad usum rationis pervenerint etiam si absit scandalum & contemptus, sub reatu peccati mortalis observari, (39) ut illis tam quò ad cultum Divinum, quàm quò ad Actus Iudiciales exercendos, excepta causa urgentis necessitatis & pietatis (40) renuntiare non possint (41) sed tunc Missæ Sacrificio, modo non sint excommunicati vel legitimè impediti
interes-

interesse (42) Verbum DEI audire (43) orationibus vacare,
Sacramenta percipere, & DEO cultum ac pietatem, ex præ-
cepto Divino & Ecclesiastico, exhibere debeant. (44)

37. c. licet. & ibi DD. h. t.

38. Can. Pronuntiandum distin. 3. de Consecr.

39. Anton: Schiara. in Mantiss: ad Lib: 4. Theol: Bellic:
Difficult: 11. n. 1. contra Propos: contrar: 52. ab Innocen: XI.
damnat.

40. c. fin. h. t. l. 1. 2. & 3. ff. e. t. arg. can. Veniam. 35. q. 9.
can. utinam. dist: 76. can. Nunquam de Consecr: dist: 5. &
Gaill: Lib: 1. Obs: 35. n. 14. & 16.

41. c. Conquestus de Feriis. & ibi Vivian. in Rational: Lib:
2. Iur: Pontific: pag: mib: 76. & Tolosan: ubi supra. n. 18.
& 20. c. fin. h. t. l. 1. 2. & 3. ff. e. t. arg: can: veniam. 35. q. 9.
can. Utinam dist: 76. can. Nunquam de Consecr: dist: 5:
Gaill: Lib: 1. Obs: 35. n. 14. 16.

42. can. Missas. de Consecr: dist: 1. can. Nullus. & can. Placi-
ta 15. q. 4.

43. can. Omnes Fideles. & can. Sacerdot: de Consecr: dist: 1.
Concil: Triden: Sess: 24. Cap. 4. de Reform.

44. d. can. Odi. 24. q. 1. can. Irreligiosa. can. Ieiunia. in fin.
de Consecr: dist: 3. & Catech: Rom: p. 3. de 3tio precepto.

II. Non solum Feriæ ordinariæ solemnes, sed etiam extraordi-
nariæ seu repentinæ, in actibus Iudicialibus servandæ sunt,
ac illis partes inter se litigantes, renunciare non possunt (45)
nisi id fiat communi omnium consensu, & usu populi (46)
feriis tamen profanis seu rusticis, in gratiam privatorum
principaliter constitutis renunciari potest (47) non solum in
Iudicio sed etiam extra Iudicium, & non solum per Partes
principales, sed etiam per earum Procuratores, modo renun-
tatio non tendat in præjudicium partium principalium. (48)

45. c. si diligenti. de Foro competen. l. Ius Publicum ff. de Pact.
& Corvin. de Aphorism. juris Canon. Lib. 3. tit. 16. prope fin.

46. Calvol: in Prax: §. Dilatio Concl. 3. n. 2.

47. c. Conquestus. de Feriis. d. c. si diligenti, c. ad Apostolicam

de Regularib: l. ne quis Messium: & l. si Feriatis ff. de Feriis
& dilation.

48. Valens. in Paratitl. Decretal. Lib. 2. tit. 9. n. 6. & Gaill.
Pract: Observ: Lib: 1. Obs: 53. n. 16. & 17. l. 1. ff. de Feriis.

III. Quamvis diebus feriatis actus iurisdictionis contentiosæ in-
terdicantur, & ab omni opere servili, quod corporis commo-
ditati deservit, ideoq; mechanicum est, abstinendum sit, (49)
tamen imminente necessitate, licitum est operi servili, iisdem
feriis non tamen majoribus intendere (50) maximè si res tem-
pore sit peritura (51)

49. c. Omnes dies. & c. licet. de Feriis. & Scac. de Iudic. lib.
3. Cap. 5. n. 112. & seqq.

50. d. c. Omnes dies. & ibi gloss. v. Necessitate. c. licet. de Feriis
& Scac. ubi supra. n. 117.

51. d. c. Licet. & ibi Barbos. in Collect. Doctor. in Lib. 2. Decre-
tal. n. 5. & 6. ac Vivian. in Rational. Iur. Pontific.

IV. Licet in operibus, servilibus præter necessitatē, observari debeāt
in honorem DEI & Sanctorum feriæ institutæ, opera tamen
non servilia, stantibus prædictis feriis exerceri possunt, (52)
dummodo ejusmodi exercitium de sui natura non sit illicitum
(53) neq; fiat præcisè gratia lucri (54) & ita Scholaribus
licitum est diebus feriatis studere & scribere (55) ne de illis il-
lud verificetur proverbium, Scholares qui observant Festa,
malè sciunt Codicem & pejus Digesta. (56)

52. arg. tex. d. c. Licet. & ibi Abb. in fin.

53. Scac. ubi supra. n. 119.

54. Barbos. in Collect. Doctor. super d. c. Licet. de Feriis. n. 4.

55. Abb. in d. c. Omnes dies. n. 4. c. Licet. n. 2. Ioan. Andr.
& alii quos citat Scac. ubi supra n. 121.

56. Odofr. in l. Omnes n. 1. C. de Feriis Iason in l. Divus.
n. 2. ff. de Feriis & dilation.

V. In dubio an sit necessitas excusans ab observatione feriæ
diei, in opere aliquo servili petenda est ab Episcopo, vel Pa-
rocho loci licentia (57) & de consilio non verò de præcepto
(58)

(58) elemosyna in recompensationem ejusmodi indulgentiæ injungenda. (59)

57. Sylvest: v. Dominica: q. 5. Sayr: in Clavi Regia Lib: 7 Cap: 2. n. 6. Sanch: Lib: 5. Concil: Cap. 2. Dub: 18. n. 11. & Baduar: in Arb: opin: moral: v. Festum.

58. Sanch: de matrim: Lib: 3. Disp: 10. n. 11. quem citat Barbos: ubi supra in c. Licet: n. 7.

59. d. c. Licet: & ibi Viroian: in Rational: Jur: Pontific.

CONCLUSIO IV.

Tempore Feriarum, in honorem DEI & Sanctorum institutarum, actus jurisdictionis contentiosæ exerceri non possunt. (60)

60 c. Omnes dies c. Conquestus de Feriis. & l. Dies Festos C. e t.

COROLLARIA.

I. Actus jurisdictionis contentiosæ, regulariter diebus feriatis, in honorem DEI & Sanctorum institutis, non solum prohibiti, sed etiam irriti & nulli sunt, (61) adeo, ut nec per partium inter se litigantium consensum validari (62) nec coram Iudice quocunq; siue Ordinario, siue Delegato, aut Arbitro Iuris, vel Compromissario, formam & ordinem Iudiciarii Processus observante (63) exerceri possint.

61. d. c. Conquestus: de Feris. l. Eadem Oratione ff. de Feriis & dilation: Facund: in 5. Eccl: Præcept: Præcept: 1. Lib: 1. Cap: 13. n. 22. & alii quos citat Barbos: in Collectan: Doctor: ad c. Conquestus: n. 31.

62. d. c. Conquestus: ad fin: & ibi Abb: n. 1. in fin. de Feriis. Speculat: eod: tit. § nunc videamus: in princ: & Maranth: in Specul: aur: p. 4. dist. 16. n. 83. c. 12. de foro compet.

63. Mandos: Tract: de Commissar: Commiss: 15. feriis non obstant. v. Feriarum ibi Secundus Casus fol. mih. 76. Abb: inc. Quinta Vallis. v. Secunda Differentia. n. 9: de Jurejuran: Joan. Bapt: de Arbitr: Lib. 11. Cap. 16. fol. 283. & Menoch: de Arbitr: Iudic: Lib: 1. q. 30.

II. Licet coram omnibus Iudicibus, qui formam & ordinem Iudicarium, in judicando servare debent, feriatis diebus procedi

cedi non possit, (64) tamen coram arbitratore seu amicabili compositore, qui prædictam formam in iudicando non servat, sed solum controversias amicabiliter, ex æquo & bono definit, (65) etiam tempore feriato, in honorem DEI vel Sanctorum instituto rectè procedi potest (66) nihilominus tam ille quàm coram illo procedentes, à peccato non sunt immunes, nisi ex laudo per eum ferendo, sequatur aliqua pax aut concordia (67)

64. l. Item Pomponius. § ex Compromisso. Et l. si ferias. ff. de Recept: Arbitr. Speculat. Et Maranth. ubi supra.

65. Abb. in d. c. Quinta Vallis. n. 8. Et seqq. de Iurejuran. Et Gaill Pract. Obs. Lib. 1. Obs. 150. n. 4.

66. Abb. in d. c. fin. n. 10. de Feriis. Fason. in l. 1. n. 4 ff. de Feriis Et dilation. Menoch: de Arbitr. Iudic. Lib. 1. q. 30. n. 13. Et Paul: de Castr: in l. Omnes. n. 6. C. de Feriis.

67. Abb. in d. c. Quinta Vallis. differ: 13. n. 22. de Iurejuran. Ioan. Bapt. Tract. de Arbitr. Lib. 11 Cap. 10. fol. 283. quos refert Scac. de Iudic. Lib. 2. Cap. 5. n. 21. 109. Et 110.

III. Prædicti actus contentiosæ jurisdictionis, diebus feriatis in honorem DEI & Sanctorum, non solum prohibentur in ordinariis, sed etiam in Summariis Causis, in quibus proceditur sine figura Iudicii, & sine solennitate Iuris (68) ac sola facti veritate inspecta (69) nec non in illis quæ commissæ essent cum facultate procedendi singulis diebus feriatis & non feriatis (70) nisi fiant & exercentur ejusmodi actus, in casibus necessitatis vel pietatis, ut pote in captura debitoris suspecti de fuga, (71) in re tempore peritura, (72) Causis debiliū seu miserabiliū personarū, vel quia sunt valetudinarii, senes, aut abfuturi, de quorum morte timetur, qui non solum examinari, sed etiam juramentum præstare possunt die feriata (73) alimentorum, modo sint præsentia vel futura non præterita (74) in causis celeritatem desiderantibus, (75) in causa dotis pauperi mulieri consignatæ (76) deservitæ mercedis, illi debitæ, qui non habet unde vivat, (77) causa carcerati (78) interpositæ apellationis, (79) examinis testium, qui die non feriata jurarunt, (80) Scholarium sed tantum in terminis alimentorum, & emptio.

ptionis, librorum (81) in causis Syndicatus, alias contra Iudicem, post depositum Officium (82) pacis & concordiae, ac omnibus aliis piis & Reipublicae causis. (83)

68. gloss: in Clemen: sape. v. Ob necessitates. de Verb. signific. Felyn. in c. Dilecti. v. sed quaro. n. 7. & ibi. Dec. v. secundo infertur. n. 22. de Iudic. & Maranth. in Specul. aur. p. 4. dist. 16. n. 90.

69. Scac. de Iudic. Lib. 1. Cap. 53. n. 38. & Maranth. d. spec. aur. p. 4. dist. 9. n. 32.

70. Mandos. Tract. de Commissar. Commission. 13. Feriis non obstantibus. v. Feriarum fol. 76. & Marches. Tract. eod. p. 1. Commission. 8. Derogationis Feriarum Cap. 1. n. 48 & 52.

71. Maranth. d. p. 4. dist. 16. n. 92. & p. 6. Act. 10. n. 43. de Actor. edit. & lason. in l. 1. § sed excipiuntur. notat. 5. n. 9. ff. de Feriis & dilation.

72. c. fin. & ibi gloss v. Necessitas. ac Abb. n. 13. & 14. necnon Gaill. Tract. Observ. Lib. 1. Obs. 53. n. 13.

73. Idem Gaill. ibid. Abb. in d. c. fin. n. 14. & 15. de Fer. & Beninc. Tract. de pauper. & ejus privileg. q. 4. n. 28. fol. 143 & alii quos refert Scac. de Iudic. Lib. 2. Cap. 5. n. 74.

74. l. 2. ff. de Feriis & dilation. Barthol. in l. Divus. n. 5. Speculat eod. tit. § sequitur. v. Porro. n. 7. in fin. & Surd. Tract. de Aliment. tit. 8. privileg. 2. n. 14. lason ubi supr. n. 7. Dec. in l. de Alimentis n. 18. C. de Transact. & Surd. d. privileg. 2. n. 14.

75. Abb. in d. c. fin. n. 14. fallen. 5. de Feriis. Felyn. in c. fin. n. 29. v. propter periculum. & n. 32. v. Item praedicta de Iudic. & Maranth. d. p. 6. Act. 10. n. 41. de Actor. edit.

76. Dec. in l. Captatorias. n. 25. C. de Testamen. Milit. & Beninc. d. Tract. de pauper. & ejus privileg. q. 5. n. 5. & 6.

77. Alex. in l. 1. n. 5. ff. de Feriis & dilation. Banacoss. Tract. de serv. & famul. q. 222. f. 129. & Surd. de privileg. 2. n. 7. in fin.

78. Gaill. ubi supra & Scac. de Iudic. Lib. 2. Cap. 5. n. 65. ubi alios citant.

79. Abb. in d. c. fin. n. 13. fallen. 1. de Feriis. Felyn. in c. fin. Declar. 6. n. 10. de Iudic. Vestr. Lib. 7. Cap. 3. n. 26.

80. *Felyn. in c. Licet causam. n. 19. de Probat. Abb. in c. 1. n. 9. de Fer. & Speculat. eod. tit. §. sequitur. v. Quid sit testis n. 6.*
81. *Horat. Lutus. de Privileg. Scholar. Privileg. 1. fol. 71. quem refert Scac. ubi supr. n. 15.*

82. *Idem Scac. l. c. n. 24. 25. & 77. ubi DD. citat.*

83. *Arg. can. Decrevit. 22. q. 1. l. 43. ff. de Relig. & sumpt. funer. & Pichler: in Candidat. Abbreuiat: Iur. Canon: Lib. 2. tit. 9. n. 3.*

IV. Actus Iurisdictionis contentiosæ, quæ redditur in invitum & nolentem (84) sunt, Citatio à Iudice pro Tribunali sedente mandata, vel per injectionem manuum, aut per publicam proclamationem facta, oblatio libelli Adversario Iudicialis, cognitio causæ, præstatio iuramenti in iudicio, fideiussionis exactio, sententiæ prolatio & publicatio, præviam causæ cognitionem præsupponens, condemnatio ad pœnam vel mortem, pœnæ sancitæ executio, ac alii similes actus, per strepitum peragi soliti. (85)

84. *l. inter stipulantem §. 1 ff. de Verb. Obligat. & Maranth. specul. aur. p. 4. dist. 18. n. 1.*

85. *can. nullus Episcoporum. can. Placita secularia. & can. Nullus Episcopus 15. q. 4. c. fin. de Feriis & l. si Ferialis ff. e. t.*

V. Actus Iurisdictionis voluntariæ, de plano, & sine judiciali causæ cognitione fieri soliti, quales sunt, Privilegiorum & Indulgentiarum concessio, earumq; confirmatio vel admissio, absolutio, dispensatio, contrâctuum approbatio, Tutorum vel Curatorum assignatio, instrumentorum confectio, alimentorum constitutio, manumissio, emancipatio, adoptio, & alii actus ejusmodi, Judicialem causæ cognitionem non requirentes, die feriata in honorẽ DEI & Sanctorum instituta, rectè exerceri possunt. (86)


86. *l. Actus. C. de Feriis. & Laurent. de Nicoll. Prax. Canon. Tom. 1. sub lit: F. n. 2. de Feriis.*


H I N C I L L I,

Qui requievit die septimo ab omni opere, quod patrauerat, & benedixit diei septimo, & sanctificavit illum, *Gen. 7. v. 2. & 3.*

Laus, Honor & Gloria in sæcula.

Permissu MAGNIFICI DOMINI
R E C T O R I S.





22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

